

iam si fumosas Maiorum imagines non reperimus, quæ in campum patentissimum nos deducunt, unde exitum difficile est breuitati nostræ inuenire. Pater enim præter STRAVSIOS, ad AUOS ARNIMBIOS, SCHÖNBECKIOS, TROTTIOS, SCHÖNINGIOS, MARWICIOS, HALBERSTADIOS, SCHVLENBURGIOS, NOS adducet: Maternam gloriam itidem magna Maiorum nomina HÜNICKIORVM, BREDOWIORVM, TROTTIORVM, LOCHOWIORVM, BÜNOVIORVM, KOPPELOWIORVM, atque iterum SCHVLENBURGIORVM illustrarunt. Ex his ingenium hausit NOSTER dignum tantis progenitoribus, quod Auia cum primis, generosa & pietissima Matrona, extincto qui genuerat, formari curauit, hanc sibi curam deposcens, ut conductis præceptoribus intra lares suos carissimo Nepoti pietatis & litterarum fundamenta iniicerentur. Quod quum feliciter cessisset, idem fidei & institutioni perreuerendi & clarissimi viri M. GOTHOFREDI ALTMANNI, apud Seruestanos Ecclesiastæ dignissimi, commissus est, cuius dexteritate ita in optimis studiis profecit, etiam priuata quorundam Professorum illustris ibidem Gymnasii usus opera; ut exacto Seruestæ septennio, quamuis admodum adolescens, non indignus visus fuerit, qui ad Academicas acroases ad-

mit-